

敘

程子謂卻病延年則有白日飛昇則無歐陽公謂養生之術則有神仙之事則無余以爲卻病養生卽仙道也黃庭經云仙人道士非有神積精累氣以成真誠平允之論哉今夫谷虛境也神靈覺也虛靈不昧則成儒谷神不死則成道仙何異焉三丰先生在元明鼎革間獨全性命於亂世不求聞達於諸侯深造以道欲其自得默念州縣勞人幣書招我皆所以蔽虛靈而損谷神也屏之棄之避之藏之真所謂世有神仙彼必深潛崖壑惟畏人知者先生之節貞矣風雪可眠非徒卻病鬚眉不老何但養生光之有日月之明大之有滄海之水又安知不有脫殼

道藏輯要

三丰全集 序

五

續畢集七

生翰白日飛昇成仙於青霄之外者哉雍正初汪公夢九觀察劍南先生以法身顯化其署卽謂五百年猶在人間可也公知神仙之道信而有徵於是以先生文章出處輯爲成書蓋欲與卻病延年者大其觀也卓菴劉君得汪書而補紀之刊版傳世後之頌其詩讀其書者應知仙道之不虛也夫

道光甲辰七夕長乙山人涵虛生敘